



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin

Straßburg, 1524

VD16 B 4346

Vorred auff die Epistel sant Pauli zů den Galatern.

urn:nbn:de:hbz:466:1-34848

erscheinen/sonder auff das jr das gütte thut/vnd wir wie die verworffne seyn. Den wir künden nichts wider die warheit/sonder für die warheit. Wir freuwen vns aber/wen wir schwach seind/vnd jr mechtig seyt/vnd dasselben wünschen wir auch/nemlich/euere vollkommenheit. Derhalb ich auch solchs schreibe/vff das ich nicht/wenn ich gegenwertig bin/scherf sebrauchē müsse/nach der macht/welche mir der her zu bessern/vnd nicht züerderben geben hatt.

Zu lest/liebenn brüder/freuwent euch/seind vollkommen/tröstet euch/habt einerley müt vnd sinn/seind fridsam/so wirt Gott der liebe vnd des frids mit euch sein. Grüsset euch vnderinander mit dem heiligen kuf. Es grüssen euch alle heiligen. Die gnade vnsern herren Jesu Christ/vnnd die liebe gottes/vnnd die gemeinschaft des heiligen geists sey mit euch allen/Amen.

Die ander zu den Corinthern.
Gesandt von Philippen in Macedonia/durch
Titon vnd Lucas.

Worred auff die Epistel sant Pauli
zü den Galatern.



Die Galater warē durch sant Pauli
ion zü dem rechten Christen glauben vnd ins Euangeli-
on von dem gesetz bracht. Aber noch seinem abscheid/ka-
men die falschen Apostel/die der rechten Apostel jünger
waren/vnd wandtē die Galater widerüm/das sy glaub-
ten/sy müsten durch die werck des gesetzes selig werden/
vnd theten sünd wo sy nicht des gesetzes selig werck hielten/wie Act. xv.
auch etlich zü Hierusalem hohe leut fürgaben.

Disen zü entgegen/hebt S. Paulus sein ampt hoch/vnd wil sich nichts
weniger gehalten haben/denn kein ander Apostel/vnd allein von got sein
lere vnd ampt gerümpf/auff das er den rüm der falschen Apostel/die sich
mit der rechten Apostel werck vnnd namen behalffen/dempffte vnnd
spricht/Es sey nit recht/wens gleich ein Engel anders predigt od er selbs
schwyg denn/wenn es der Apostel jünger oder sy selbs anders lereten.
Das thut er im ersten vnd ander Capitel/vnd schleuft/das on verdienst/
on werck/on gesetz/sonder allein durch Christum/jederman müß recht-
fertig werden.

Am dritten vnd vierden/bewert er das alles mit schrifftten/erempel vnd
gleichnissen/vnd zeygt/wie dz gesetz vil mer sünd vnd maledeyung bündt
den gerechtigkeit/welch allein auß gnaden vonn gott verheyssen/durch
Christo on gesetz erfüllet vnd vns geben ist.

Am fünfften vnd sechsten/leret er die werck der lieb die dem glauben fol-
gen sollen.

Die Epi